

Die vierdte gemeine Brandlöschung/ sehr  
gut vnd bewehrt.

Ein einiger Anrklar/ aber denselben wol geklopffet/ Ferner  
 .4. Lott Rosenöl daren geschitt/ Item  
 .<sup>1</sup>/<sub>5</sub>. Maß süsse Milch/ auch darunder gerürt/ vnd law. warm gemacht/ als  
 dann ein Leinentüchlin dardurch gezogen/ über den Brand (. es sene gleich  
 von Pulffer/ Bley/ oder anderem/ gebrennt worden.) gelegt/ es löschet den  
 Brand gewaltig/ Solte aber der Schaden groß vnd gefährlich seyn/ so mü-  
 ste man hier zu ein wolerfahrenen Barbierer omb Rath ersuchen.

Die fünffte Brandlöschung vnd Hailung/ für Pulffer/ vnd  
 allerley Brand/ so von Holz/ Wasser/ Del/ Eisen/ Bley/ Zihñ/ Silber/ vnd Gold/ auch allem  
 dem so man erdencken kan/ im Brand sich zutragen möchte/ von dem hochberühmbten vnd wolerfahr-  
 nen Veld Barbierer/ Herren Michael Göttich auß Eißland/ so er in wehrender Belägerung  
 zu Ostende/ vilfaltig experimentirt/ vnd also gut be-  
 funden hat.

.48. Lott Honig  
 .12. Lott Hauswurksafft  
 .10. Lott Krebsafft . .  
 .10. Lott Phlegma, oder  
 das Wasser vom Vitriol  
 .12. Lott Rosen Essig . .

Dise Stuck nun alle zusammen gethon/ gesotten/  
 so lang/ biß daß aller Schaum ist abgehöbt wor-  
 den/ so wirds vmb etwas dünners dann Honig/  
 vnd ist fertig. Der Krebsafft aber/ muß vol-  
 gender gestalt zubereitet werden/ Man nemme .24. Lott schwere/ lebendige  
 Krebs/ zerstoße sie in einem Mörser/ trucke das Wasser/ welches sie von sich  
 geben/ durch ein Leinen Tüchlin/ so ist bereit/ das Phlegma vom Vitriol  
 oder Kupfferwasser/ ist das gedistilirt Wasser/ so vorher gehet/ wann man  
 den spiritum oder das oleum vom Vitriol distilirt/ Dises ist nun ein treff-  
 lich gute Brandsalb/ dergleichen nit bald gefunden wird/ dann sie nicht al-  
 lein in geschossenen Wunden (. von Kuglen.) den Brand löschet/ sonder/ vnd  
 so bald sie darzu kompt/ also dempt/ daß er still stehet vnd nit weiters verder-  
 ben kan/ gibt auch Ursach/ daß sich der Brand vom gefunden Fleisch schei-  
 den/ vnd weichen muß/ es löschet allerhand Brand/ sie seyen geschehen von  
 was Materialien es immer wolle/ so man das verbrennte mit obstehender  
 Salben schmiret oder salbet/ Gleichwol aber/ hernach stehendes Stichpfla-  
 ster nach der Brandlöschung/ auch wie bald volgen wird/ gebraucht. Wann  
 nun der Brand vorgehörter massen gelöschet/ vnd der Schmerzen ist gestille  
 worden/ so will vonnöten seyn/ daß man alsdann lindere oder sanfftere Mit-  
 tel gebrauche/ die auch zugleich den Brand außziehen vnd hailen (. wofern  
 anderst noch etwas gespürt würde.) das Stichpflaster aber/ wird also ge-  
 macht.

Vortreffliche  
 Brandlö-  
 schung.

## Das Stichpflaster.

.8. Lott Wachs/ in einem Kesselin ob dem Feuer vergehn lassen/ daren gethon  
 .2. Lott frischen Butter/ mehr

Vnd gutes  
 Stichpfla-  
 ster.

℞ ij

.6. Lott